

مشاورت اقلیت

محل مطبعه و اداره :

جفال اوغلانده امنیت
صندوقی جوارنده
شنکول یقوشنده
۲۲ نومرو

امطار :

مسلکمه موافق آثار
جدیده مع الممنونیه
قبول اولنور

درج ایدلمه یین آثار اعاده اولنماز

دیر ، فلسفه ، علوم ، حقوق ، ادبیات تاریخ ، سیاست ، و بالخاصه احوال و مشوره اسلامیه بحث ایدر دهفته ده بر نشر اولنور .

آبونه بدلی

صاحب و مؤسسلری :

درسعادتده نسخه سی ۵۰ پاره در

ابوالعلا زین العابدین - ح . اشرف ادیب
تاریخ تأسیسی

قیرلهدن مقوا بورو ایله کوندربیلیرسه سنوی
۲۰ غروش فضله آلنیر

۱۰ تموز ۳۲۴

سنه لکی	التی آیلانی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

بشنجی جلد

۳۰ صفر پنجشنبه ۱۷ شباط ۳۲۶

عدد : ۱۳۰

اوله رق ایرانیلرک امدادینه یتشه جکر . عصیت وحیت اسلامیه من قدراشمز ایرانیلرک ضیاع حقوقه و مغدوریتنه دائماً مانع اولور و اوله جقدر ، مسلمانلر اوزرینه اولان تجاوزاتی منع ایتک هر مسلمانک فریضه ذیتدر . انکلره داهیسی « غلاستون » النده قرآن عظیم الشانی آلاق پارلامنتوده بو کتاب ماما اسلامیه نك تقسیمه ماندر . دییه صلیبونه چوقدن خبر ویرمشر . روسلر ایرانده باقی قالدیجه ، ایرانی آزار آزار اشغال ایتدیکه بزانیکلرله قطعاً امنیت و اعتماد ایتیه جکر . ایران مملکتی تجاوزات و تعرضات اجانبدن مصون قالمیه جق اولورسه افغانستان قیامیه و محاربات متفقہ متوالیه ایله « هند » و « تبت » ک تزلزله اوغرایه جغندن قورقوروم . حتی دییه بیلورمکه تجاوزات اجانب عثمانی ، ایران و افغان دولت و ملتلرینک قیامی موجبدر . سائر اقطار اسلامیه ده اولان مسلمانلر کرک افریقاده و کرک آسیاده اولان دین قدراشلمزده بومنع تجاوزاته اشترا ایده جکر و بو دائرة نك خارجنده قالمیه جقدردر .

بوندن صکره سردار اعظم ایرانیلرک روسلره قارشو طوطدقلمی مسلکی تنقید ایدرک دیورکه : ایرانیلر قادین اباسی کیمشدر . نهوقه قدر صبر ، حلم کوستره جکردر . بویه صبر ، حلم ایله ایرانک و خاتمی کوندنکونه تزیایدیده جکر . ایرانیلر بیلیملی ایدیلرکه روسلر بو سکونتدن استفاده ایدرک ایرانده یراشمیه غیرت ایده جکردر . عسکرلرینی ده کیرییه چکیمیه جکردر . افغانیلر سیاست ایشلرینه جاهلدرلر ، فقط بویه ذلت ، مسکنت و حقارتی قطعاً هضم ایده میه جک خصایص برکزیده ممالکدرلر .

ایشته صوک سوز اوله رق دیورمکه اگر ایرانی دین داشلریمزک مجتهدلری فتوای جهاند ویره جک اولورلرسه بزیمده علما و ملالریمز اوفتوای منیفک افغان قومنه اولان شمولانی تأیید ، تصدیقه مهیا بولنیورلر . . . « من لم یمت بالسیف مات بغیره » « تنوعت الاسباب والموت واحد »

نور علی زاده

غیاث الدین حسنی

مکاتیب

ژاپونیادن :

سیاح شهر عبدالرشید افندی حضرالرینه :

حرمتلو پدرمن !

چوقدن مکتوب یازمه دیغم ایچون عفو کزی استرحام ایدرم ، صوک درجه ده مشغولیتمزدن بردرلو وقت بوله ندق . مع مافیه بزم قلبلرمن دائماً سزک ایله در . جمعیتز رئیس اوحدالار کزدن بوس ایدر . مخدوملر کزک توکیویه تشریفلری بزم ایچون غایت بیوک شرف اولدی . جمعیتز اعضالردن هر برنده اوکوندن اعتباراً برار حیات مشاهده اولندی ، هراشمزده جدیت کورولدی . مسجدا ایچون تدارک ایتدیکمز

عرصه نك برکنارینه کندیمره مخصوص براداره خانه بنا ایتدک ، اوراده تجمع ایدیورز ، هراشمزی اوراده کوریورز ، بر طرفی لسان تورکی تعلیماتنه مخصوص مکتب یابدق ، اولادلر کز برقاچ ژاپونلری تعلیم ایدیورلر ، شو صورتله هم تعلیمات دینه هم عبادت ایچون موقت یرمن اولدی ، اوجه تله غایت ممنون . هیچ اولمزرسه بر درجه کندی یوامزله باش صرقدق دیمکدر . شیمدی سزده بر آز همت ایتسه کزده مسجدمزی بر میدانه چیقارسق صوکره آرتق ژاپونیاده اسلامیتک اساسی قورولدی دیمک اولوردی . اخوانمک کافه سی الار کزدن بوس ایدر . فیایم آدرسمز دوغریدن دوغرییه کندی اداره مزه اوله جقدر : توکیو - آکاسا کا اومانی مایچی ۳ نومرو ۱۰

بوکون برنجی دفعه اوله رق کندی اداره خانه مزده اجتماع ایتدک ؛ بومکتوبی دخی سزده اوجمیت آغزندن یازیورم . ان شاء الله عن قریب ده مفصل مکتوبلر یازارم . اوغلو کز نا کانو توکیو ژاپونیا ۱۳ کانونانی

§§§

۱۱ نجی کانونانی تاریخنده آنارشیت لردن اون ایکی آدمه اعدام جزاسی اجرا اولمشدر . بونلر اساساً ۲۶ کیشی اولوب ایچلرنده بریسی قادیندر .

رئیسلری (کوتوکوده نجیرو) نامنده غایت عالم بر آدم اولوب بوبابده یازمش اولدیغی اثرلری دخی پک چوق ایش .

بونلرک اعدامه محکوم ایدیلهلری ایچون توکیوده اهالی غلیبان ایدرک میتینغلر پایدیلر ، نهایت بویکرمی آلتی کشیدن (هپسی اعدامه محکوم ایکن) ۱۳ کیشی میقادو فرمانیه عفو اولنه رق مؤبد قلعه بند اولدیلر . بو وقعه ژاپونلر ایچون غایت حائز اهمیت اولدی . زیرا (۲۵۷۱) سنه در بزم تاریخ مزده بویکی بروقه یوقدر دیورلر .

بو آنارشیتلر کاملاً امریقالیلر علاقه دار اولوب یالکیز میقادوبی دکل ، بلکه عموم خاندان ایله مأمورین حاضره نك کافه سنی اولدیرمک فکرنده اولدقلمی ثابت اولمشدر .

ژاپونیاده بوندن قرق الی سنه مقدم بزم فسلمز بچیمنده قیرمزی فس کیهرلر مشر ، بوکاده (تورکو-بو) تورک قالمیخی دیرلر مش . شیمدیده کوی اختیارلرنده نادراً بولنورمش . بوندن ژاپونلر تورکلر ایله مناسبات قدیمهلری اولدیغنی سویلیورلر . ذاتاً اخلاق کاملاً تورک - مسلمان اخلاقدر .

برکون خانه مزده بولمقده ایکن بری کلدی ، بزى صبردی ؛ بیوروکز دیدک . ژاپونلرده نادر کوریلر اوزون بویلی ، کوکشی آجیق ، آياغنده بیاض چوراب ، اوستنده تاقونیه ، کسب معارفه ایتدکدن صوکره دیدی : - سزک تشریفکری غزته لرده اوقودم ، صوک درجه ده ممنون اولدم . بن رشید افندی احباسندی پارلمنتو اعضاسی ساسا کییم ، خوش کلدیکز ، صفا کلدیکز . بزم پارلمنتویه کلسکز کوروکز . بزده چوق ممنون اولورز . سزده کنج آدملر سکیز ،

